



REPUBLIKA E SHQIPËRISË
BASHKIA POGRADEC
KRYETARI

Nr. 3850/3 prot.

Pogradec, më 21.10.2025

Lënda: Dërgohet material për shqyrtim e miratim.

Znj.MANJOLLA KAMOLLI
KRYETARE E KËSHILLIT BASHKIAK

E nderuar zonja Kryetare,

Bashkëngjitur po ju dërgojmë projekt vendimin, dhe relacionin shoqërues, projektin e hartuar, hartat pyjore të ekonomisë për: **“Miratimin paraprak të hartimit të Planeve të Menaxhimit Ekonomitë Pyjore Qafë-Panjë dhe Guri i Nikës”**.

Me respekt,

KRYETARI

Illir XHAKOLLI



Nr. i faqeve A4 të projekt-vendimit: 2

Nr. i faqeve A4 të relacionit shoqërues të projekt vendimit: 2

Nr. i faqeve A4 të relacionit teknik shpjegues 10

Nr. i fletëve A4 të dokumenteve të projektit planeve të menaxhimit 2: 610

Nr. i faqeve A1 të hartave të Ekonomisë Pyjore Qafë-Panjë dhe Guri i Nikë: 2:11



REPUBLIKA E SHQIPËRISË
BASHKIA POGRADEC
KËSHILLI

Nr. ____ Prot.

Pogradec, më ____ . ____ 2025

PROJEKT - VENDIM

Nr. ____, DATË ____ . ____ 2025

“PËR
MIRATIMIN E PLANIT TË MBARËSHTIMIT EKONOMITË PYJORE
QAFË-PANJË & GURI I NIKËS

Të nderuar këshilltarë !

Mbështetur në Ligjin nr.139/2015 “Për vetëqeverisjen vendore”, të Ligjit Nr.57/2020, datë 30.04.2020 “Për Pyjet”, neni 11, pika 2, gërma b, sipas citimit “.. për të gjitha format e pronësisë planet e mbarështimit miratohen nga Ministri. Përgjashtimisht për bashkitë, miratimi i planit të mbarështimit shoqërohet me miratimin paraprak të këshillit bashkiak përkatës..”, të Udhëzimit Nr.01, datë 26.01.2017 “Për mbajtjen e Kadastrës së Fondit Pyjor dhe Kullosor Kombëtarë”, të kontratës Nr.3153/6, datë 11.11.2024 “Kontratë Shërbimi”, lidhur ndërmjet, Bashkia Pogradec dhe subjektit “XHET” sh.p.k, Librazhd-Albania, me Nipt **M08429601A**, përfaqësuar nga administratori Xhevdet XHEPI, me objekt: “Hartim Plani menaxhimi ekonomia pyjore “Guri i Nikës” dhe Ekonomia Pyjore “Qafë-Panjë”. Bashkia Pogradec me propozim të Kryetarit të Bashkisë dhe Agjencia e Mbrojtjes së Territorit (Sektori i Shërbimit Pyjor) pasi u shqyrtua relacioni i përgatitur nga Administrata e Bashkisë ku është argumentuar teknikisht dhe ligjërisht, i kërkohet Këshillit Bashkiak të Bashkisë Pogradec që në mbledhjen e datës ____ . ____ 2025 të miratojë:

VENDOSI:

1. Të miratojë Planin e mbarështimit ekonomive pyjore “Guri i Nikës” dhe Ekonomia Pyjore “Qafë-Panjë”.1 të hartuar nga Subjekti “XHET” Shpk me NIPT **M08429601A**.
2. Për zbatimin e këtij vendimi ngarkohet Kryetari i Bashkisë Pogradec, Agjencia e Mbrojtjes së Territorit (Sektori i Shërbimit Pyjor), Drejtoria e Çështjeve Juridike, Drejtoria Ekonomike dhe Menaxhimit Financiare.

3. Ky vendim hyn në fuqi 10 ditë mbas shpalljes publike sipas përcaktimeve të nenit 55, pika 6, të Ligjit Nr. 139/2015 “Për vetëqeverisjen vendore”.

4. U shpall sot më datë ____ . ____ .2025.



KRYETARE E KËSHILLIT TË BASHKISË

MANJOLA KAMOLLI



REPUBLIKA E SHQIPËRISË
BASHKIA POGRADEC
KRYETARI

Nr. 3880/Prot.
3

Pogradec, më 24.10.2025

**RELACION PËR PROJEKT- VENDIMIN
ME OBJEKT:
“PËR
MIRATIMIN E PLANIT TË MBARËSHTIMIT EKONOMITË PYJORE
“QAFË-PANJË” DHE “GURI I NIKËS”.**

**E NDERUAR KRYETARE E KËSHILLIT!
TË NDERUAR KËSHILLTARË!**

KREU I

HYRJA DHE PËRSHKRIMI I VEPRIMTARISË

Ndër të tjera, pranë Bashkisë Pogradec është e krijuar dhe funksionon Agjencia Mbrojtjes së Territorit, në të cilën janë të përqëndruara pothuajse të gjitha funksionet e deleguara nga Pushteti Qëndror, të cilat janë:

1. *Shërbimi Pyjor.*
2. *Inspektoriati i Pyjeve*
3. *Spektori i Kullotave.*

Administrimi i i fondit pyjor dhe kullor në territorin e Bashkisë Pogradec është një ndër funksionet e Bashkisë, i përcaktuar në nenin 27 të ligjit nr.139/2015 “ Për vetëqeverisjen vendore”, ku në pikën 5 të këtij neni përcaktohet: **"Funksionet e Bashkive në fushën e buqësisë, zhvillimit rural, pyjeve dhe kullotave publike, natyrës dhe biodiversitetit: Bashkitë janë përgjegjëse për kryerjen e këtyre funksioneve pika 5. Administrimin e fondit pyjor dhe kullor publik, sipas legjislacionit në fuqi.**

KREU II

INTERPRETIMI I BAZËS LIGJORE

Referuar pikes 5 te nenit 27 te Ligjit nr.139/2015 "Për vetëqeverisjen vendore", i ndryshuar, njësitë e vetëqeverisjes vendore kanë këto të drejta dhe përgjegjësi:

5.Administrimin e fondit pyjor dhe kullor publik, sipas legjislacionit në fuqi.

Procedura për Miratimin e planeve të Mbarshtimit mbështet në pikën 2/b nenit 11 të Ligjit Nr. 57/2020, "Për pyjet" Vendimit të Këshillit të Ministrave Nr.398 datë 13.05.2020 për disa ndryshime ne vendimin Nr.433, datë 08.06.2016 "Për transferimin në pronësi të bashkive të pyjeve dhe kullotave publike, sipas listës së inventarit dhe aktualisht në administrim të Ministrisë së Mjedisit e të ish komunave e bashkive", VKM Nr.171, datë 18.3.2022 "Për ngritjen e bazës së të dhënave për regjistrin kombëtar të fondit pyjor dhe regjistrin e fondit kullor, përcaktimin e strukturës, kritereve teknike për evidentimin dhe pasqyrimin e gjendjes dhe të ndryshimeve, mënyrës së mbajtjes së të dhënave në nivel vendor, rajonal e qendror, informacionit që duhet regjistruar, si dhe të afateve të përgatitjes e raportimit nga administratorët ose pronarët e pyjeve", si dhe referuar Udhëzimit Nr.1 Datë 26.01.2017 "Për mbajtjen e kadastrës së fondit pyjor dhe kullor Kombëtar", pika 1, 5 citohet: *plani mbarshtimit/inventarizimit është baza e të dhënave për treguesit e fondit pyjor dhe kullor.*

Mbështetur në legjislacionin pyjor në fuqi për pyjet, tregues për gjëndjen e fondit pyjor realizohet vetëm nëpërmjet hartimit të dokumentave strategjik për pyjet, në rastin konkretë, hartimin e planeve të mbarshtimit dhe inventarizimit në nivel ekonomive pyjore, e cila është njësia me e madhe e administrimit dhe menaxhimit të fondit pyjor.

Per sa me siper, duke krijuar bindjen që projekt vendimi është ne perputhje me te gjitha detyrimet ligjore dhe se dokumentacioni shoqerues eshte i plote, Jini te lutur te miratoni projekt vendimin bashkengjitur.

Duke shpresuar në miratimin e këtij materiali nga ana Juaj,

PËRGATITI MATERIALIN:

Konceptoi: **KRYEINSPEKTOR I PYJEVE**

KLEDI LUFO

Pranoi: **DREJTOR**

MARKEL HAFESLLARI

Konfirmoi: **SEKRETAR I PËRGJITHSHËM**

DRITAN BABASULI

Miratoi: **KRYETAR**

ILIR XHAKOLLI



REPUBLIKA E SHQIPERISE
BASHKIA POGRADEC
KRYETARI

Nr. 3850/Prot
3

Pogradec, më 21.10 2025

RELACION
PËR PROJEKT – VENDIMIN ME OBJEKT

“PËR
MIRATIMIN E PLANIT TË MBARSHTIMIT TË PYJEVE DHE KULLOTAVE
EKONOMITË PYJORE QAFË-PANJË DHE GURI I NIKËS.

I NDERUAR KRYETAR I KËSHILLIT !

TË NDERUAR KËSHILLTARE !

Në përmbushje të detyrimeve ligjore, po Ju dërgojmë për shqyrtim dhe marrjen e vendimit përkatës, këtë relacion, me përmbatje si më poshtë:

Baza Ligjore:

Në mbështetje të nenit 3, nenit 8, të pikes 1 nënpika 1.1, shkronja “a” të nenit 9, nenit 27 pika 5, nenit 54 shkronjat “k” të ligjit Nr.139 datë 17.12.2015 “Për vetëqeverisjen vendore” i ndryshuar; neni 11 pika 2/b e ligjit Nr.57 datë 30.04.2020 “Për Pyjet; ligjin Nr.5/2016 “Për shpalljen e monatoriumit në pyje në Republikën e Shqipërisë”, VKM nr.398 datë 13.05.2020 për disa ndryshime në VKM nr.433 datë 08.06.2016 “Për transferimin sipas listës së Inventarit të pyjeve dhe kullotave publike, aktualisht në administrimin e Ministrisë së Turizmit dhe Mjedisit në pronësi të ish Komunave/bashkive”,

Bashkia Pogradec në kuadër pjesë të funksioneve të saj, ka dhe administrimin e qëndrueshëm të fondit pyjor/kullosor kjo sipas listës të përcaktuar me ligj, Sipërfaqja pyjore që administron Bashkia Pogradec bazuar në VKM nr.398 datë 13.05.2020 për disa ndryshime në VKM nr.433 datë 08.06.2016 “Për transferimin sipas listës së Inventarit të pyjeve dhe kullotave publike, aktualisht në administrimin e Ministrisë së Turizmit dhe Mjedisit në pronësi të ish Komunave/bashkive janë gjithsej **26369.88 ha.**



Në zbatim të kontratës nr.3153/6 datë 11.11.2024 “Kontratë Shërbimi” me objekt: “Hartim plani, menaxhimi ekonomia pyjore Guri i Nikës dhe ekonomia pyjore Qafë-Panjë” të hartuar nga subjekti “XHET” Shpk.

Gjatë marrjes në dorzim dhe vlersimit të dokumentacionit tekniko-ligjor të fondit pyjor dhe kullësor që ka kaluar në pronësi të Bashkisë Pogradec është konstatuar se plani e mbarështimit rezulton që është hartuar Ekonomitë pyjore “Guri i Nikës dhe Qafë-Panjë, është mbarështuar për herë të fundit në vitin 2002, ekonomitë gjatë këtyre viteve ka pësuar ndryshime të medha dhe mjaft të ndjeshme, si për sa i përket strukturës ashtu dhe shpërndarjes së vëllimit sipas klasave të moshës dhe prodhimit, prandaj duke u nisur nga këto arsye dhe njëkohesisht duke mos mohuar për punën e bërë për hartimin e planit të vjetër kalimi i një pjese të kësaj ekonomie nga prone shtetërore në pronësi të bashkisë, ku kërkesat për hartimin e këtij plani është rritur, pra për aresyet e mësipërme u pa e domosdoshme hartimin e këtij plani i cili do të pasqyrojë gjëndjen reale të grumbujve, duke i parë në këndvështrime të ndryshme si ajo e prodhimitarise, ruajtjes së terrenit dhe me një seriozitet është studjuar gjëndja e vleresimi i biodiversiteti në përgjithësi.

Plani mbarështimit të këtyre ekonomive është hartuar në bazë të manualit të mbarështimit të miratuar nga Ministria e Turizmit dhe Mjedisit si për punimet e terrenit ashtu dhe për ato të zyrës. Në këtë plan mbarështimi një vend të rëndësishëm zë siguri i një mbarështimi të qëndrueshëm dhe shumë funksional i pyllit.

Objekti i përgjithshëm është përdorimi dhe zhvillimi i qëndrueshëm i pyjeve, mbi bazën e kërkesave bashkëkohore të gjendjes biologjike dhe ekolojike të tyre me qëllim që të përcaktohen realisht potenciali i tyre prodhues, duke mbrojtur biodiversitetin dhe mjedisin. Është synuar nderthurja e të gjithë faktoreve që lidhen direkt dhe indirekt midis tyre p.sh popullatat lokale, administrimi i pyjeve dhe kullotave, ekoturizmi, përmirësimi i pejsazhit rural, ruajtjen e natyrës. Po ashtu do të synohet plotësimi i kërkesave me lende ndertimi dhe e dru zjarri, prodhime të dyta pyjore, baze ushqimore për blegtorinë.

Këto plane aktualisht janë të pavlefshme në reference të ligjit nr.57/2020 “Për pyjet” i cili ka përcaktuar afatin maksimal të vlefshmërisë së planeve të mbarështimit 10 vjeçar.

Mbarështimi i pyjeve realizohet në përputhje me politikat dhe Programin Kombëtar të Pyjeve, duke garantuar ruajtjen, zhvillimin dhe ripërtëritjen e fondit pyjor kombëtar, sigurimin e kushteve për zhvillimin e tij në përputhje me prioritetet kombëtare.

Mbarështimi i pyjeve përshtatet dhe plotësohet në përputhje me ndryshimet e gjendjes së fondit pyjor kombëtar, si dhe me ndryshimet shoqërore dhe ekonomike të vendit. Shfrytëzimi dhe përdorimi i resurseve natyrore është vlerësimi i drejtë i pyjeve të kësaj ekonomie, në të njëjtën kohë është dhe një hap para dhe si faktor i domosdoshëm për ruajtjen e ekuilibrit të mjedisit, në të njëjtën kohë është dhe një rregullator i mirefillt në ruajtjen e regjimit hidrik. Është detyrë përcaktore që me zbatimin e masave silvoteknike që do të hartohen e zbatohen në këtë plan mbarështimit që grumbujt pyjorë të arrijnë qëllimin kryesor të finalit, sipas regjimit të tij.



Synimet që do të arrien në zbatimin e këtij plani janë:

- Hartimi i masave silvoteknike në trajtimin e pyjeve që do të shprehet dhe në rritjen e prodhimtarisë së të gjitha elementeve të duhur.
- Menaxhimi me kritere të efektshme ekonomike me efektivitet të qendrueshëm ekonomik gjatë shfrytëzimit racional të burimeve natyrore
- Hartimi dhe miratimi i këtij projekti është baza e fillimit të ushtrimit të masave silvoteknike, dhe kryerja e një menaxhimi të mirëfilltë të të ardhurave ekonomike, e një të ardhme të një grumbulli pyjor me parametra të prekshme.

Gjatë tranzicionit dhe periudhës së tanishme, pyjet nuk janë trajtuar mirë sipas planeve të mbarshtimit, në përgjithësi pyjet janë demtuar nga prerjet pa leje, kjo vjen si rezultat i mungesës së lëndës djegëse (dru zjarri), dhe varferisë të komunitetit që jeton brenda ekonomisë pyjore.

Planeve të mbarshtimit të ekonomisë pyjore, si dokument bazë afatgjatë për pyjet, për realizimin e qeverisjes, zhvillimin dhe mbrojtjen e tyre, i vlefshëm për një periudhë 10-vjeçare. Planet e mbarshtimit hartohen nga pronarët përkatës sipas formës së pronësisë, bazuar në metodikat/udhëzuesit e përgatitur nga ministria, nëpërmjet ekspertëve të certifikuar të fushës ose strukturave pyjore. Për të gjitha format e pronësisë, planet e mbarshtimit miratohen nga ministri. Përgjashtimisht për bashkitë, miratimi i planit të mbarshtimit shoqërohet me miratimin paraprak të sektorit të pyjeve e kullotave të bashkësive përkatëse:

Fondi pyjor dhe kullosore sipas ekonomisë pyjore si dhe kategoritë e përdorimit të tokës brenda territorit të ekonomisë pyjore **Guri i Nikës**.

Të dhënat kryesore sipas planit të mbarshtimit 2025-2034

Përdorimi i territorit

Sip. totale (ha)	Pyje (ha)	Pyje (%)	Kullota (ha)	Kullota (%)	Sip.Bimësi Pyjore (ha)	Sip.Bimësi Pyjore (%)	Tjetër (ha)	Tjetër (%)
1224.5	1010.5	82.52	193.8	15.83	3.5	0.28	16.8	1.37

Format e qeverisjes

Regjimi i qeverisjes së pyjeve në EP Guri i Nikës	Plani i mëparshëm Inventarizimit 2002		PMPK aktual	
	Sipërfaqja (ha)	%	Sipërfaqja (ha)	%
Trungishte	1082.79	82.37	949	78.80



Cungishte	11.9	0.91	61.5	5.11
Shkurre	0	0	0	0
Kullota ,livadhe	219.79	16.72	193.8	16.09
Gjithsej	1314.48	100	1204.3	100

Nga analiza vihet re se, kemi pakësim të sipërfaqes në formën e përdorimit “Pyje Trungishte” me 133.79 ha si dhe më pak dhe në kullotë 25.99 ha, si dhe një shtesë në formën e qeverisjes Cungishte me 49.6 ha. Por referuar VKM Nr.591 datë 25.09.2024 “Për shpalljen Peisazh i Mbrojtur” (kategoria e V-të) të zonës Guri i Nikës valamarë-Lenie” e cila me ndryshimin e kufirit të zonë së mbrojtur dhe me kërkesë të ADZM, është bërë e mundur mos inventarizimi i ngastrave që u preken nga kufiri i ri dhe paksimin në sipërfaqe, e cila ka marr sipërfaqe nga territori brenda konturit të ekonomisë pyjore Guri i Nikës kjo është dhe arsyeja e pakësimit në sipërfaqe në raport me administrimin Bashkiake.

Tipet e kullotave

Sipërfaqja e përgjithshme e kullotave prej 193.8 ha në EP Guri i Nikës është ndarë sipas tipeve dhe shkallës së mbulesës barishtore. Tabelat dhe grafikët më poshtë evidentojnë gjendjen mesatarisht të mirë të tokave kullosore, pasi më së shumti janë të përziera me drurë dhe bimësi të rrallë pyjore dhe për shkak se 57% e sipërfaqes kullosore ka një mbulim me vegjetacion më pak se 80%.

Tipi i kullotës	Sipërfaqja e tokës kullosore (ha)
Kullotë	162.72
Kullotë me drurë	31.08
Kullotë me shkurre	0
Livadh	0

Ne ekonomine pyjore EP Guri i Nikës perfshihet nje siperfaqe prej 193.8 ha kullota alpine Ballkanike. Periudha e kullotjes eshte vetem gjate veres. Per shkak te numurit te krereve te bagetise dhe perdorimit kolektiv te saj ka nje rendim te kullotes. Shfrytezimi behet duke u dhene liri kopeve te dheneve te gjejne ushqim sipas deshires se tyre ne te gjithe siperfaqen dhe per gjithe sezionin kullosor.

Në total ekonomie, për formën e qeverimit trungishte, do të përshkohen me ndërhyrje silvikulturale 297.7 ha, nga ku do të rezultojnë 5702.6 m³ lëndë drusore.

Do të kryhen tre tipe të ndërhyrjeve silvikulturale:



- a. **Rrallime tip I**, të cilat do të aplikohen në 171.37 ha, nga ku do përfitohen 2062.84 m³ lëndë drusore. Ndërhryjet në këtë tip janë planifikuar të shtrira në 10 vite sipas urgjencave 2 (4- 7 vjet ose 2029, 2030).
- b. **Shfrytëzime-Prerje sanitare**, ku gjatë kësaj ndërhyrje do të hiqen drurët e nënshtuar të shtrembët e që paraqesin probleme, duke krijuar hapësirat e nevojshme për intensifikimin e rritjes së grumbullit. Kjo lloj ndërhyrjeje do të aplikohet në 93.03 ha dhe nga ku do të përfitohen 1808.8 m³ lëndë drusore. Sikurse cituam edhe më lart, punimet janë të shpërndara përgjatë 10 viteve në të cilën ky plan do të ketë fuqi ligjore dhe përfshin urgjencën 1, 2.
- c. **Përfundimtare**, do të aplikohet në një sipërfaqe prej 33.26 ha dhe një volum prej 1830.9 m³, gjatë vlersimit dhe gjëndjes aktuale, çmohet se filizëria ka arritur të formojë në të gjithë sipërfaqen gjëndjen e masivit, në këtë rast do të vilen drurët e fundit në këmbë nga grumbulli i moçem, për ti dhënë liri dhe prioritet zhvillimit të grumbullit të ri.

Nr	Lloji i punimit	Njësia	Sasitë (sipas ndërhyrjeve në 10 vjet)
1	Prodhim i lëndës drusore	m ³	20172
2	Pyllëzim	ha	5.33
3	Blerje fidanësh	copë	17764
4	Masat në Kullota	ha	54.46
5	Masa Infrastrukture	km	13.6
Gjithsej			

Këto rrallime do të aplikohen me intensistete të ulët dhe të mesëm i prerjeve. Materiali drusor që do të nxirret nga ndërhyrjet silvoteknike me intensitet të ulta dhe pak të mesme në planin 10 vjeçar të punimeve.

Volumi në këmbë dhe rritja e grumbujve pyjorë

Nga inventarizimi i sipërfaqeve provë në terren, pasi të dhënat u bartën në programin e përpunimit të të dhënave MS Access DB, të miratuar nga Këshilli Shkencor i ish Instituti i Kërkimeve Pyjore dhe Kullotave në vitin 2000, rezultoi se EP Guri i Nikës ka një volum të përgjithshëm në këmbë prej 82360.4 m³. Ashtu si më sipër kemi theksuar, volumi i përket vetëm formave të qeverimit Trungishte dhe Cungishte.

Të dhënat për shpërndarjen e volumit jepen në tabelën më poshtë.



Forma e qeverisjes	Sipërfaqja (ha)	Volumi mesatar m ³ /vit	Vol. total në këmbë (m ³)	Rritja mes. vjetore (m ³ /ha/vit)	Rritja mes vjetore total shtrese (m ³ /ha/vit)
Trungishte	949	83.91	79629.8	3.8	3601.31
Cungishte	61.5	44.41	2730.6	2.74	168.24
Gjithsej	1010.5	0	82360.4		

Të dhënat që vijnë nga përpunimi i të dhënave në programin MS Access DB për format e qeverimit të gjendura në EP Guri i Nikës.

Këto të dhëna të rritjes vjetore për shtresën e pyjeve në formën e qeverimit “Trungishte”, tregojnë se planifikimi i ndërhyrjeve në këto grumbuj është i drejtë dhe se do të çojë në intensifikimin e rritjes së grumbullit.

2.Fondi pyjor dhe kullosore sipas ekonomive pyjore si dhe kategoritë e përdorimit të tokës brenda territorit të ekonomisë pyjore Qafë-Panjë.

Të dhënat kryesore sipas planit të mbarshtrimit 2025-2034

Përdorimi i terriorit

Ekonomia Pyjore Qafë-Panjë		
Përdorimi i tokës (ha)	Përdorimi i tokës (bazuar në VKM)	Sipas Planit të Mbarështimit 2025
Pyll	1149.48	1269.6
Kullotë	245.9	288.6
Sipërfaqe me bimësi pyjore	115.1	32.4
Djerr	40.2	1.7
Inproduktive	49.91	20.8
Gjithsej	1600.59	1613.1

Ashtu sikurse vërehet, ka një Shtesë prej 12.51 ha në total të sipërfaqes së ekonomisë pyjore, krahasuar me sipërfaqen e dhënë në VKM. Kjo shtesë vjen për arsyet e mëposhtme:
Diferenca prej 12.51 ha ndërmjet sipërfaqes së përcaktuar në VKM dhe asaj të dalë nga plani i mbashtimit 2025 nuk është vetën rrjedhojë e matjeve të sakta në GIS gjeoreferencimit të konturit të parcelave, nënparcelave, por gjithashtu tregon një rishikim të funksioneve të territorit.

-Një pjesë e sipërfaqeve që më herët ishin të llogaritura si të papërdorshëm, ose të paqarta janë përfshirë në kategoritë e këtij plani, gjatë inventarizimit si dhe suksesioni natyror pozitivë nëpërmjet ripërtëritjes ka ndikuar pozitivisht në shtesë sipërfaqe/ha.

-Ky rishikim pasqyron përdorim racional të burimeve natyrore, duke nxjerr në pah rolin e inventarizimeve të reja në planifikim afatëgjatë.

-Shtesa e vogël prej 12.51 ha në raport ndaj sipërfaqes së përgjithshme është 0.78 %, tregon një tendencë pozitive drejt harmonizimit të të dhënave me realitetin në terren.



Format e qeverisjes

Regjimi i qeverisjes së pyjeve në EP Qafë Panjë	Plani i mëparshëm Inventarizimit_2002		PMPK aktual	
	Sipërfaqja (ha)	%	Sipërfaqja (ha)	%
Trungishte	610.52	41.23	329.8	21.17
Cungishte	621.64	41.99	939.8	60.31
Shkurre	0	0	0	0
Kullota ,livadhe	248.45	16.78	288.6	18.52
Gjithsej	1480.61	100	1558.2	100

Nga analiza vihet re se, kemi pakësim të sipërfaqes në formën e përdorimit “Pyje Trungishte” me -280.72 ha si dhe në kullotë një shtesë prej +40.15 ha, si dhe një shtesë në formën e qeverisjes Cungishte me +318.16 ha. **Forma e qeverisjes Tungishte e cila** ka pësuar një **pakësim të ndjeshëm prej 280.72 ha**, duke kaluar nga 610.52 ha në vetëm 329.8 ha. Kjo humbje lidhet ngushtë me **prerjet e paligjshme** të cilat kanë ndikuar në uljen e densitetit të drurëve, si dhe me **zjarret pyjore** që kanë dëmtuar sipërfaqe të konsiderueshme, duke shkatërruar strukturën e pyllit. **Forma e qeverisjes Cungishte e cila** ka një **rritje dominuese prej 318.16 ha**, duke u rritur nga 621.64 ha në 939.8 ha. Ky ndryshim tregon procesin e transformimit të trungishtes në cungishtë, për shkak të shfrytëzimit të pyjeve. Pas prerjes apo djegies, pylli rigjenerohet në formë cungishtë. Pra, **prerjet dhe zjarret** kanë nxitur kalimin e pyllit nga një formë më cilësore (trungishtë) në një formë më të degraduar (Pyll i mesëm cungishte). **Kullota dhe livadhe** ka një **shtesë prej 40.15 ha**, nga 248.45 ha në 288.6 ha. Kjo lidhet me faktin që zonat e prekura nga zjarret dhe prerjet shpesh kthehen në hapësira të zhveshura, të cilat shfrytëzohen më pas si **kullota**. Ky fenomen është i dukshëm në zonat malore ku presioni i bagëtive dhe mungesa e masave rigjeneruese nxisin shndërrimin e pyllit në kullotë.

Si perfundim thesmi se sipërfaqja e përgjithshme ka një shtesë prej 77.59 ha, e cila lidhet kryesisht me matjet më të detajuara të bëra në planin e ri dhe përfshirjen e disa zonave të mëparshme të pa evidentuara.

Tipet e kullotave

Sipërfaqja e përgjithshme e kullotave prej 288.6 ha në EP Qafë Panjë është ndarë sipas tipeve dhe shkallës së mbulesës barishtore. Tabelat dhe grafikët më poshtë evidentojnë gjendjen mesatarisht të mirë të tokave kullosore, pasi më së shumti janë të përziera me drurë dhe bimësi të rrallë pyjore dhe për shkak se 61% e sipërfaqes kullosore ka një mbulim me vegjetacion më pak se 78%.



Tipi i kullotës	Sipërfaqja e tokës kullimore (ha)
Kullotë	179.97
Kullotë me drurë	108.63
Kullotë me shkurre	0
Livadh	0
Totali	288.6

Këto janë të gjitha punimet që do të impelentohen gjatë zbatimit dhe impelentimit në EP Qafë-Panjë sipas tabelës së mëposhtme si rrallime do të aplikohen me intensistete të ulët dhe të mesëm i prerjeve. Materiali drusor që do të nxirret nga ndërhyrjet silvoteknike me intensitet të ulta dhe pak të mesme në planin 10 vjeçar të punimeve, pyllëzime në vendet e eroduar, përmirsimi i rrugëve auto për aksesimin edhe në rastet e zjarreve në pyje, krijimin e koridoreve etj.

Nr	Lloji i punimit	Njësia	Sasitë (sipas ndërhyrjeve në 10 vjet)
1	Prodhim i lëndës drusore	m ³	11195
2	Pyllëzim	ha	0.93
3	Blerje fidanësh	copë	2325
4	Masat në Kullota	ha	163.7
5	Masa Infstrastukture	km	8.6
	Gjithsej		

Volumi në këmbë dhe rritja e grumbujve pyjorë

Nga inventarizimi i sipërfaqeve provë në terren, pasi të dhënat u bartën në programin e përpunimit të të dhënave MS Access DB, të miratuar nga Këshilli Shkencor i ish Instituti i Kërkimeve Pyjore dhe Kullotave në vitin 2000, rezultoi se EP Qafë-Panjë ka një volum të përgjithshëm në këmbë prej 30832.8 m³. Ashtu si më sipër kemi theksuar, volumi i përket vetëm formave të qeverimit Trungishte dhe Cungishte.

Të dhënat për shpërndarjen e volumit jepen në tabelën më poshtë.

Forma e qeverisjes	Sipërfaqja (ha)	Volumi mesatar m ³ /vit	Vol. total në këmbë (m ³)	Rritja mes. vjetore (m ³ /ha/vit)	Rritja mes vjetore total shtrese (m ³ /ha/vit)
--------------------	-----------------	------------------------------------	---------------------------------------	--	---



Trungishte	329.8	48.36	15948	4.78	1576.28
Cungishte	939.8	15.84	14884.8	0.76	549.47
Gjithsej	1269.6	0	30832.8		

Këto të dhëna të rritjes vjetore për shtresën e pyjeve në formën e qeverimit “Trungishte”, tregojnë se planifikimi i ndërhyrjeve në këto grumbuj është i drejtë dhe se do të çojë në intensifikimin e rritjes së grumbullit.

Referuar përcaktimeve të kuadrit ligjor në fuqi, fondi pyjor dhe kullosor qeveriset bazuar në planet e mbarshimit që përbëjnë dokumentet bazë për mbarshimin e një ekonomie pyjore, që përmban analizën e gjëndjes së pyjeve, përcakton objektivat që duhet të realizohen në funksion të statusit që kanë, si dhe planifikon masat për trajtimin e tyre dhe ndërhyrjet për vitet e ardhshme.

Plani i ri i mbarshimit të ekonomisë pyjore përcaktohen hapat që do të ndiqen për zhvillimin e pyjeve dhe kullotave për një periudhë 10 vjeçare, duke hapur rrugë në këtë menyrë investimeve në fodin pyjor dhe kullosor nëpërmjet:

- a) Pyllëzimeve të reja dhe rehabilitimit të zonave të dëmtuara
- b) Shfrytëzimit të qëndrueshëm të pyjeve për nevojat publike
- c) Rritjen e mundësive për mbrojtjen e shtresës së tokës nga gërryrjet/ erozioni
- d) Rritjen e prodhimit të lendës drusore

Nga ana tjetër përmes këtij procesi arrijmë të realizojmë plane të tilla për pyjet, të cilët janë një bazë e mirë për çertifikimin e pyjeve të bashkisë bazuar në rregulloret FLEGT dhe EUTR të BE-si dhe ligjin Nr.57 datë 30.04.2020 “Për Pyjet”, duke garantuar në këtë mënyrë zhvillimin e qëndrueshëm të pyjeve në territorin e bashkisë.

Referuar nenit 11, pika 2 shkronja “b” të ligjit 57/2020, datë 30.04.2020 “Për pyjet”, përcaktohet se planet e mbarështimit të ekonomive pyjore si dokument bazë afat gjatë për pyjet, për realizimin e qeverisjes, zhvillimin dhe mbrojtjen e tyre, i vlefshëm për një periudhë 10-vjeçare, hartohen nga pronarët përkatës sipas formës së pronësisë, bazuar në metodikat/udhëzuesit e përgatitur nga ministria, nëpërmjet ekspertëve të çertifikuar të fushës ose strukturave pyjore. Për të gjitha format e pronësisë, planet e mbarështimit miratohen nga ministri. Përjashtimisht për Bashkitë, miratimi i planit të mbarështimit shoqërohet me miratimin paraprak të këshillit bashkiak përkatës.

Në këto kushte, Agjencia e Mbrojtjes së Territorit (struktura e shërbimit pyjor) në cilësinë e strukturës përgjegjëse për administrimin e çështjeve që lidhen me hartimin e politikave dhe planeve për mbrojtjen, zhvillimin, shfrytëzimin e kontrolluar të fondit pyjor e kullosor pjesë e territorit të Bashkisë Pogradec, me qëllim arritjen e objektivave të saj strategjike dhe përmbushjen e rezultateve të kërkuara nga kjo njësi organizative, ***i propozon Këshillit Bashkiak Pogradec për miratimin paraprak si dhe Ministrisë së Turizmit dhe Mjedisit, në***



cilësinë e organit vendimarrës, miratimin përfundimtar të Projekt Draft planeve të mbarështimit të ekonomive pyjore Guri i Nikës dhe Qafë-Panjë.

1. Mbarshtimi është planifikimi afatëgjatë për pyjet, publike dhe private, i cili kryhet në bazë të kriterëve të caktuar për grumbullimin e informacionit për situatën/ gjëndjen faktike dhe përcaktimin e objektivave e masave të nevojshme, në funksion të statusit të dhënë, me synim përmbushjen e funksioneve ekologjike, ekonomike e sociale, duke zbatuar dhe harmonizuar parimet e zhvillimit të qëndrueshëm me nevojat administruese, pronarëve privatë dhe përdoruesve të tyre.
2. Ekonomi pyjorë është njësi bazë e organizimit të sipërfaqes së fondit pyjor kombëtar për qeverisjen e pyjeve dhe drejtimin, planifikimin e kontrollin e mbarshtimit të pyjeve, që zakonisht përfshin një masiv pyjor, me kufij të qartë natyrorë.

Duke shpresuar në miratimin e këtij materiali nga ana Juaj,

PËRGATITI MATERIALIN:

Konceptuan:

Specialist Pyjesh:

Ing. ARBEN BRAHO

Ing. Markeljan VELILLARI

Pranoi:

KRYEINSPEKTOR I PYJEVE

Ing. KLEDI LUFO

Miratoi:

DREJTOR

MARKEL HAFESLLARI

Konfirmoi:

KRYETAR

ILIR XHAKOLLI